

- Prijavite korupciju i pomozite da zajedno radimo što efikasnije, transparentnije i odgovornije.

### KOJE SU POSLJEDICE KORUPCIJE?

- izaziva nepredvidive ekonomske i političke tokove
- sprečava strane investicije i ulaganja
- sprečava razvoj privrede
- šteti državnom budžetu
- prepreka je međunarodnoj trgovini i privrednom rastu
- smanjuje povjerenje javnosti u državne institucije
- vodi ka drugim oblicima kriminaliteta


Više informacija možete naći na  
[www.uino.gov.ba](http://www.uino.gov.ba)

**STOP KORUPCIJI!**  
**0800 20 607**

### Uprave za indirektno - neizravno oporezivanje

**STOP  
KORUPCIJI**

**U Bosni i Hercegovini**



Bosna i Hercegovina  
Uprava za indirektno - neizravno oporezivanje

**Suprotstavljanje korupciji i unapređenje integriteta i etičkih standarda predstavlja trajnu misiju Uprave za indirektno oporezivanje koja se sprovodi kroz razvoj i unapređenje okruženja otpornog na korupciju i stalnu komunikaciju o mogućim posljedicama koruptivnog ponašanja.**

### ŠTA JE KORUPCIJA I KAKO JE PREPOZNATI?

Korupcija je svaka zloupotreba moći povjerene državnom službeniku, zaposleniku, savjetniku, izabranom ili imenovanom zvaničniku koja može dovesti do privatne koristi tog lica, domaćeg ili stranog fizičkog ili pravnog lica. Korupcija može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita. Korupcija je i povreda zakona ili drugog propisa, kao i nepravilnosti uradu i prevare koje ukazuju na postojanje korupcije.

**Korupcija je svaka zloupotreba povjerenog položaja radi ostvarivanja lične koristi.**

**STOP KORUPCIJI!**  
**0800 20 607**

## KOJI SU NAJČEŠĆI OBLICI KORUPTIVNIH AKTIVNOSTI U SLUŽBI?

- Primanje dara ili drugih oblika koristi
- Davanje dara ili drugih oblika koristi
- Zloupotreba položaja ili ovlaštenja
- Nesavjestan rad u službi
- Posluga u službi
- Krivotvorenje službene isprave
- Pronevjera u službi
- Prevara u službi
- Primanje dara za trgovinu uticajem
- Davanje dara za trgovinu uticajem
- Protivzakonita naplata i isplata

## KOJIM PRAVNIM MEHANIZMIMA SE UPRAVA ZA INDIREKTNO OPOREZIVANJE BORI PROTIV KORUPCIJE?

- Zakon o Upravi za indirektno oporezivanje reguliše nadležnosti Uprave za indirektno oporezivanje

Svjesna razmjera korupcije i njenog uticaja na urušavanje osnovnih vrijednosti društva, ugrožavanja povjerenja u javne institucije i pravnu državu, Uprava za indirektno oporezivanje je, u cilju zaštite svog integriteta i etičkih normi, donijela niz propisa čijom primjenom aktivno promoviše principe nulte tolerancije prema djelima korupcije.

- Kodeks ponašanja zaposlenih u Upravi za indirektno oporezivanje
- Plan za borbu protiv korupcije u Upravi za indirektno oporezivanje
- Plan integriteta Uprave za indirektno oporezivanje
- Uputstvo o uslovima i načinu podnošenja interne prijave od strane zaposlenih u Upravi za indirektno oporezivanje zbog sumnje ili okolnosti postojanja korupcije
- Pravilnik o disciplinskoj i materijalnoj odgovornosti zaposlenih u Upravi za indirektno oporezivanje
- Pravilnik o postupku rješavanja primjedbi

Uprava za indirektno oporezivanje sve prijave razmatra objektivno i nepristrasno, uz poštovanje povjerljivosti dobijenih informacija.

U slučaju kada se u postupku razmatranja prijave na koruptivno ponašanje ocijeni da iz utvrđenih činjenica proizilazi da koruptivno ponašanje ima obilježja povrede službene dužnosti, pokreće se disciplinski postupak, dok u slučaju kada koruptivno ponašanje ima obilježja krivičnog djela, o istom obavještava nadležno tužilaštvo.



**STOP ŠVERCU: Pozovite 'otvorenu liniju' i ovaj broj telefona - prijavite svaku utaju poreza!**

**0800 20 607**

## NAČIN PODNOŠENJA PRIJAVE O KORUPCIJI

Prijave bilo kojeg oblika utaje carine ili poreza mogu se podnijeti potpuno anonimno putem otvorene linije "Stop švercu" na broj telefona **080 02 06 07** ili elektronskim putem popunjavanjem web obrasca na zvaničnoj internet stranici Uprave za indirektno oporezivanje.

Primjedbe na koruptivno ponašanje službenika Uprave za indirektno oporezivanje mogu se prijaviti usmenim i pismenim putem, telefonski ili putem e-maila: **primjedbe@uino.gov.ba**.

## PRAVA I OBAVEZE PRIJAVIOCA KORUPCIJE

Prijavilac korupcije ima pravo:

- na zaštitu anonimnosti,
- na zaštitu od štetnih posljedica, u skladu sa zakonom,
- da se informiše o radnjama preduzetim u vezi sa podnesenom prijavom.

Prijavilac korupcije ima obavezu se uzdržati od zloupotrebe prijavljivanja, na način da je prijava podnesena u dobroj vjeri.

## ŠTA URADITI AKO STE SVJEDOK ILI ŽRTVA KORUPCIJE?

- Upoznajte se sa važećim propisima u Bosni i Hercegovini (Konvencija Ujedinjenih nacija protiv korupcije, Građansko pravna konvencija o korupciji Savjeta Evrope, Zakon o Agenciji za prevenciju korupcije i koordinaciju borbe protiv korupcije, Zakon o sukobu interesa u institucijama vlasti Bosne i Hercegovine, Zakon o slobodi pristupa informacijama u Bosni i Hercegovini, Zakon o zaštiti lica koja prijavljuju korupciju u Bosni i Hercegovini, Krivični zakon Bosne i Hercegovine, Zakon o krivičnom postupku Bosne i Hercegovine).